

# angafréttir angafréttir angafréttir

## Frá Austurlandsanga

Það var vonskuveður og við konur þrælkvefaðar sem ætluðum að standa að hátíðahöldunum. Konur sem ætluðu að koma langt að tóku að boða forföll, en við Gwendolyn stússuðum ýmislegt, fundum til kaffibolla, dúka, veitingar og fleira. Á slaginu 5 birtust fyrstu gestirnir f Ásbrún, þá var Gwendolyn rokin í sturtu, en ég var að hræra í pastasósu og huga að chili con carne, sem maðurinn minn lagði til. Það var kaffihúsastemning í þessu vinalega gamla húsi. Þar sem hér er ekkert kaffihús var bara það alveg sérstakt. Gwendolyn birtist í fullum skréð Maori-kvenna, konur skröfuðu yfir kaffibollum og ungar stúlkur spiliðu á ýmis hljóðsæri, sungu og lásu ljóð. Sumar þeirra svipuðu sig svuntum og gengu um beina óumbeðið, sjálfum sér og öðrum til óblandinna ánægju. Vera má að kvennafrídagurinn taki á sig aðra merkingu í hugum þeirra. Sjáum til.

Klukkan 7 mátti sjá konur í upphlut, færeyskum búningi, maoripilsí og öðrum klæðnaði fá sér chili con carne, og prest mjög svo barnshafandi rjúka á milli borða að spryrja hver ætlaði nú að gera hvað í messunni, á meðan ein okkar spilaði og söng inni á kontór Gwendolyn og bar undir mig ýmis gítargrip við Áfram stelpur og önnur góð lög. Svo var lagt á brattann í slabbinu og gengið til kirkju kl. 8. Hún var full, svona 90 konur, þar með taldar frækner konur frá Egilsstöðum, sem buðu veðrinu birginn, en héldu svo rakleitt heim í Fagradalinn. Stundin var yndisleg, meiri söngur, tónlist, riuningarlestur um konur í Bibliunni, söngur um Mirjam, frekar en Móse bróður hennar, sem frelsaði Ísrael frá Faraó. Þá var mál að renna sér fótksriðu niður brekkuna og snæða herlega tertu Gwendolyn, sem er jú atvinnukona í hátíðaskreytingum. Hún endurtók Maoriathöfn til að bjóða allar velkomnar. Við sungum rauðsokkulögum og skemmtum okkur þar til allir fóru til síns heima. Við bjuggumst ekki við slíkri þáttöku í okkar villtustu draumum, erum því sælar og hyggjum á eitthvað sniðugt í framhaldi.

Bestu kveðjur, Yrsa.

## Frá Norðurlandsanga eystra

Á norðurlandi eystra gengur lísið sinn gang. 24. október var haldinn hátíðlegur og komu um 140 konur í Deigluna á Akureyri og áttu ánægjulega stund saman. Þar var í forsvari okkar ágæta Ragnhildur Vigfúsdóttir (Dússa) og stjórnæði hún af meðsæddum skörungsskap. Hyggjum við gott til samstarfs við nýjan jafnréttisfulltrúa á Akureyri. Við erum

# angafréttir angafréttir angafréttir

núna að undirbúa félagsfund fyrir landsfund og munum halda annan í Zontasalnum 28. nóvember og segja þá fréttir af landsfundi.

Lára Ellingsen

## Frá Reykjanesanga

Reykjanescónur stóðu fyrir söguferð um Álfstaneshann 15. október s.l. undir leiðsögn Önnu Ólafsdóttur Björnsson. Veðurhorfur voru ekki ýkja góðar fyrr um morguninn en veðurguðirnir voru búnir með mestallt loftið þegar ferðin hófst og bjart var yfir nesinu alla leiðina. Mættu nú Kvennalistakonur og tveir Kvennalistahundar og skoðuðu bæði fjörur og sögustaði nessins. Að fenginni þessari reynslu bendum við Reykjaneskonur Kvennalistakonum í öðrum öngum á þennan ágæta möguleika á samveru, því göngugleði Kvennalistakvenna hefur margsannast á landsfundum og vorþingum.

Vegna atburðanna á Flateyri var félagsfundi angans sem fyrirhugaður var simmtudagskvöldið 26. október frestað til mánuðags 6. nóvember.

Reykjanescónur.

## Frá Vesturlandsanga

Vesturlandsangi hélt fund í Borgarnesi mánuðaginn 30. október þar sem vetrarstarfið var rætt. Ákveðið var að skipa konur úr uppsveitum Borgarsjárdar í nýja framkvæmdaneftnd og tók Ingibjörg Danielsdóttir að sér að finna konur með sér. Hansína B. Einarsdóttir bauðst til að sitja í Samráði fyrir angann en auch hennar verður valin ein kona úr ófæddri framkvæmdaneftnd í ráðið. Þingkonur Reykjavíkuranga mættu til fundarins og sögðu fréttir úr þinginu og hver yrðu helstu mál þessa þings. Sköpuðust mjög góðar umræður um framtíðina í framhaldi af því. Ákveðið var að leggja höfuðáhersluna á að halda 3 þemasundi á næsta hálfa árinu og var framkvæmdaneftndinni falið að sjá um þá.

Heimildir: Helga Gunnarsdóttir.

## Frá Reykjavíkuranga

19. október var haldinn félagsfundur í Reykjavíkuranga. Fyrir angann sitja Sjöfn Kristjánsdóttir og Kristín Einarsdóttir í Samráði og Pórhildur Þorleifsdóttir og Ragnheiður Sigurjónsdóttir í Framkvæmdaráði. Sigrún Sigurðardóttir og Kristún Einarsdóttir gengu úr framkvæmdaneftndinni en í þeirra stað voru valdar þær Erna Haraldsdóttir og Salóme B. Guðmundsdóttir. Sigrún fer þó áfram með fjármál angans, ásamt Helgu Sigrúnu Sigurjónsdóttur.